

ديوان بنده عليكي

بنده عليكي

ديوان شعر

سكينة الصولي

للشاعرة/ سكينة الصولي

— ديوان بنده عليكي —



إصدارات دار الحسيني للطباعة والنشر والتوزيع

اسم الكتاب: بنده عليكي - ديوان شعر

اسم المؤلف: سكينه الصولي

رقم الايداع: 2018/ 10987م

حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته
في نطاق استعادة المعلومات أو نقله أي شكل من الأشكال
المعروفة حالياً أو التي ترد مستقبلاً دون إذن خطي مسبق
المراسلات:

دار الحسيني للطباعة والنشر والتوزيع

المقطم الهضبة الوسطى الحي الرابع منزل رقم 5275 شارع عماد مصطفى

موبايل: 01144059975 ت: 27304004

— للشاعرة/ سكينه الصولي —

إهداء

نبضات شعرية

من وحي الواحات

تلك البقعة الرائعة

من أرض مصر

أمنى أن تروق لكم

مع خالص تحياتي

سكينة الصولي

— ديوان بنده عليكي —

— للتساعرة/ سكينه الصولي —

تقديم

يسر مؤسسة الحسيني الثقافية أن تتبني طباعة ونشر هذا الكتاب " بنده عليكي " لشاعرة الواحات سكينه الصولي ، ولسوف تتوالى إصدارات المؤسسة التي تلبى رغبات الشعراء والأدباء في كل مجالات الإبداع خلال الفترة القادمة ، ولا يسعنا في هذا المقام إلا أن نتقدم بالشكر الجزيل لكل من تعاون معنا في سبيل تحقيق أهداف المؤسسة في نشر الثقافة الحقيقية التي تعبر عن هوية الأمة ، وترتقي بالذوق العام وتواكب الحاجة الملحة لالقاء الضوء على ابداعات الشعراء والادباء خارج القاهرة ، ونخص بالذكر نقادنا الافاضل الدكتور حسام عقل ، والدكتور على جاد الحق ، والناقدة رانيا مسعود ، والناقد عاطف عز الدين الذين يثرون الأعمال الأدبية بنقدهم البناء ، ان مشروع مؤسسة الحسيني الثقافية مشروع طموح لاستعادة دور مصر

الريادي الموكول بها في عالما العربي منذ بدء الخليقة ،
وسوف نمضي قدما لتحقيق هذا الهدف، وبذل الكثير من الجهد
لإيماننا بأهمية الثقافة في تحقيق النهضة المأمولة لأمتنا .
لقد قررت المؤسسة منذ بداية عملها أن يكون في أوليات عملها
رعاية الابداع والمبدعين لاكتشاف المبدعين الحقيقيين في
مجال الأدب ورعايتهم وإلقاء الضوء عليهم من خلال النقد
البناء لتسهيل فرصة حصولهم على الجوائز العالمية في
مجال الأدب من خلال نقاد مؤهلين للنقد، كذلك فقد أطلقت
المؤسسة مبادرة ميثاق شرف المثقفين أفراداً
ومؤسسات وجمعيات. ونود في هذه المقدمة أن نشير إلى ان
اهتمام مؤسسة الحسيني الثقافية بشعراء وادباء الاقاليم شئى
أساسي ضمن سياستها برعاية الابداع والمبدعين في كل
مكان فهناك الكثير من المبدعين في حاجة لمساعدتهم
والقاء الضوء على اعمالهم الادبية، والمؤسسة ليست فقط
مجرد ندوات ادبية او ثقافية او فنية وإنما نرعى المبدعين في

— ديوان بنده عليكي —

كل مجالات الابداع ، مثل الفنون التشكيلية وفنون المسرح
والسينما وغيرها من الفنون ، نضع بين يدي المثقفين هذا
الكتاب ، آمليين أن يحوز على القبول والله الموفق

رئيس مجلس الأمناء

عبدالقادر الحسيني

— ديوان بنده عليكي —

— للشاعرة/ سكبنة الصولي —

— ديوان بنده عليكي —

بنده عليكي

ديوان شعر

سكينة الصولي

— للشاعرة/ سكينة الصولي —

— ديوان بنده عليكي —

— للشاعرة/ سكبنة الصولي —

بنده عليكي

بنده عليكي ياسمرة أنا
خلى رسمك يجلجل انينى
بنده عليكى يا سمراء أنا
ياللى ترابك تاج على جيينى
مين قدى أنا بعشقتك
وأنا اللى هايم فى واكى
مين زى يعرفك
وأنا اللى حافظ كل؟ أسرارك
مين زى يوفك
ياللى النيل شريانك
بنه عليكى يا سمراء أنا
مين غيرك يداوى جراحى
ياللى الحب والحنان نبع احضانك
والاخلاق والوفاء اجمل صفاتك
لو لفيت العالم كله
ما هلاقى زى ترابك
مسك وعنبر يا سمراء انتى
فى الامان ما هلاقى سواكى

— ديوان بنده عليكي —

العالم كله يشفق ليكي
يتمنوا يكونوا من اهلك وناسك
وأنا المحظوظ أنا
اللى كنت من ضمن اولادك

— للشاعرة/ سكينه الصولي —

مصر حلم الانسان

عشقه يا بلدى ترابك
عشقه يا بلدى اهرامك
ومين زى أنا مين
حبك يا بلادى فى قلبى
خلانى من العاشقين
مصر حلم الانسان
مصر نبع الحنان
مصر خير الاجناد
بحبك يا هبة النيل
كثير يتمنو يجولك
كثير يتمنو يكونوا من جنودك
يا بلد المخلصين
رضعتى اولادك الحب
علمتهم الوفاء ونبيل
ما انتى يا مصر تاج على الجبين
ما انتى يا مصر علامه
من قديم الزمن وانتى ولادة
علماء ونبغاء ومبدعين

ومين زيك انتى مين
مصر علم للسلام
مصر رمز للامان
مصر مثل للنضال
ولا فيه زيك فى الكون
مجدك على طول الزمن
رفعك دايمًا لفوق
ما يهزك شىء فى الكون
صامدة وقوية يابلدي
مهما كانت المحن مهما اللى يكون يكون
صامدة و قوية يا بلدى
ما انتى عروسة الكون
مصر مصر تحيا مصر

بلد الطيبين

حلوة يا بلادى حلوة
يا بلد الطيبين
جميل احساسك بذاتك
يا بلد العاشقين
مين ما يحن اليكى يا بلد المبدعين
حلوة والله يا بلادى
واهرامك شامخين
نهرك يداوى جرحك
وبيزيد العاشقين
ومين زيك يا بلادى
يا بلاد الطيبين
اولادك خير الاجناد
طرحاهم طيبين
يضرب بيهم الامثال
فى العلم والدين
الطيب ما يطرح غير طيب
يا بلاد الامنين
ادخلوها بسلام

— ديوان بنده عليكي —

ادخلوها امنين
ده كلام رب العالمين
هيفضل علامة ليوم الدين
يا بلد الحضارة
اولادك شامخين
يشبهوا اهرامك
قوة و يقين
حلوة والله يا بلاد
يا بلد الطيبين

— للشاعرة/ سكينه الصولي —

جميلة يا بلدى

سمراء وجميلة يا بلدى
والنيل شريانك
وتوبك لخضر يا بلدى
خلى الكل عاشقك
ومين اللى يقدر ما يحبكيش
يا اجمل بلد فى صفاتك
جميلة والله يا بلدى
يا طرحة الطيبين ومعلمهم اخلاصك
ومين زى اولادك مين
يفدوكى بدمهم وهما فرحين
ما انتى السبب يا بلادى
علمتيهم الحب والحنان
والوفاء اصل سكانك
بحبك يا بلدى بحبك
ده اسمك تاج على راسى
بحبك يا بلدى بحبك
ده الكل عاشق صفاتك
يا قوية وقت المحن

بجنودك و ابناءك
ولا فى العالم كله زى اولادك
حياتهم شىء بسيط يقدموه علشانك
انتى امهم حزنهم
انتى روحهم ودمهم
الامان كل الامان لهم
ده تاج الكون على راسك
ربى يحميكى يا بلادى
ربى يحميكى يا بلادى

ست الكل

ماشى أنا مرة تحت الكبرى
شفت طفل قاعد بيكي
قالت له مالك انت يا بنى قال لي ضاعت منى أمي
قالت له اوصفها لي يا نور العين
قال لي هي عروسه النيل
لبسا التلى وفتان طويل
صدر حنون تحضن بضمير
ولا فيش غيرها تحبها ملايين
طيبه واخلاص لكل الناس
تشفها تقول ملكة جمال
ولا شفت جملها في اى مكان
تأهته منى وتهته انا منها
ومن يوم ما ضاعت منى
قاعد مكاني اشكى همى للرحمن أسجد وأقول
فينك يا أمي يا أم صدر حنون
احمي لي يارب ست الكل
ورجعها لي دي نور القلب
مصر... مصر

أنا المصري

أنا المصري واقف شاهد على كل الازمان
هزمت الهكسوس والتتار فى الميدان
وفى 73 كسرت اسرائيل ورفعت راية السلام
وفى 88 رجعت طابا لأحضانك من غير ما ارفع سلاح
أنا المصري واقف صامد أمام اى معتاد
لا فى يوم اتهزمت ولا انكسرت
اتحدى بقوة وارادة عافية ما يعرفهاش إنسان
أنا المصري شاهد على كل زمان
يشهد ليه مينا وأحمس يشهد ليه
تاريخ الاهرام والفنار أنا المصري
اللى وصى علينا رسولنا الكريم بجدنا خير الاجناد
وفى تاريخنا أتحدينا كل الصعاب
بنينا الهرم بنينا السد بعزيمة وقوة ما يعرفهاش إنسان
يحكى لينا صلاح الدين وقطر
يحكى لينا جمال والسادات رمز النضال
الكل يشهد لينا بشجاعة ما لهاش مثال
أنا المصري شاهد على كل زمان

— ديوان بنده عليكي —

شوفوا تاريخى شوفوا حضارتى
بتتكلم بكل شموخ واحترام
أنا المصرى
اللى العالم ضرب ليه فى اكتوبر
تعظيم سلام

— للشاعرة/ سكينه الصولي —

عروسه النيل

يا عروسة النيل ي متحنية
يام النشل الاخضر فى عنيه
اسمك كنانه الله فى الارض
ورسمك على النهر يقول
اهرامى عجاب الارض
يا مليا الدنيا ومليا الكون
بعلماء ونوايغ يا رب يصون
هنا عالم وهنا دكتور وهنا مهندس عامل مجهود
وفى كل بلد تلاقى بصمة للمصريين
هنا بصمه طبيب جراح وهنا بصمه مهندس عامل انفتاح
وهنا بصمه عالم مغمور ما هو اولادك عرفين مكانتك
يا مليا الدنيا ومليا الكون
وأنا من غيرك أنا مين اكون
صدق كامل عندما يقول
ان لم اكن مصرياً لو دته ان اكون مصرياً

جيش مصر

جيش مصر يا غالى يا اعظم جيش فى الوجود
اسمح لى احكى عن بعض انجازاتك فى قليل من
السطور
اللى هزم الهكسوس ووضع عجله على العدو يدوس كان
جيش مصر العظيم
واللى قال للرومان لا للظلم والطغيان اخرجوا براء
الديار هم برضوا المصريين
واللى طرد التتار ورد لينا كل اعتبار كان جيش مصر
العظيم
والى قال للفرنسيين مش هنكون محتلين ولا
مستسلمينحتى بعد شنف الفلاحين فى دنشواى برضواهم
المصريين
واللى كسر اسرائيل وقال لا لكل مستحيل كان جيش
مصر العظيم
واللى قال عنهم الرسول (ص) خير جند فى الوجود هو
جيش مصر العظيم

واللى واقف على الحدود لعدو يدخل بجور والله حامى
الديار هو جيش مصر العظيم
واللى قال للارهاب كفاية جبن كفاية خراب وأنا واقف
ليكم بالمرصاد هو جيش مصر العظيم
اللى جاهد من البداية وانتصر حتى النهاية هو جيش
مصر العظيم
واللى كافح واللى رافع ريتك يا بلدى هو جيش مصر
العظيم
والى قال احلى كلمة وخلاى اقولها بنغمة حلو تحيا
تحيا تحيا مصر طول السنين
هو جيش مصر العظيم
واللى عامل الكبارى
وعمل مانع لدعم بلدى
هو جيش مصر العظيم
هو جيش مصر العظيم

دون يا قلم

دون يا قلم وقول على الظلم اللي فاق الحدود
وكبت كمان على السطور على البشر اللي غلبوا
الوحوش

بشر داسو على كل انسان

بشر نسيوا كلام الرحمن

نسيوا كلمه رحمه وداسوا على الناس وسط الزحمة

واشهد يا زمان على ظلمهم واشهد كمان على غلهم

ظلمهم على علو الجبال ظلمهم طال كل انسان

ويقول احنا مصريين لا لا ده مستحيل

معقوله شربوا من النيل

معقوله سمعوا الاذان معقوله فى يوم اتوضوء

معقوله وقفو وصلو لا لا ده مستحيل

معقوله قرؤا القران معقوله صامو رمضان لا لا ده
مستحيل

معقوله دول ليهم قلب مليان نبض وحب

معقوله دول بشر لا لا ده قلبهم حجر

لا حسوا فى يوم انسان ولا عرفوا طعم الاحسان

ما عملو غير الظلم وقالو احنا اسياذ الكل

وداسو يا ناس على الكل ونسيو ان الله موجود

بينصر كل مظلوم مهما العمر يطول

مصر

مصر الصدر الحنون فى حبك كل شىء يهون
مصر يا ارض النيل وتاريخ ملهوش مثيل
مصر يا نبع وجدانى وتاريخى وزمانى
مصر يا ام الحرية والسلام والوطنية
مصر يا ام الاصاله والتاريخ والحضارة
مصر يا ارض الامان وشعب كله إيمان
مصر يا ارض السلام والخير والاطمئنان
مصر يا ارض الوطنية علشانك افيديك بعينه
مصر يا ام الناس الحلويين وايمانهم يتحدى السنين
مصر يا ام الابطال وشجاعة ملهاش مثال
فى اكتوبر 73 كان علامه واكبر دليل
ديما منصوره ومنتصرة وعلمك فوق جبالك مرتفعة
خيرك ديما على ولادك وجيرانك وكل احابك
جوادة ديما فى عطائك والكل يشهد بوفائك
بحبك يا بلادى يا سكنه جوه فؤادى وعيشه فى خيالى
يا حبيبتى يا مصر يا ام النصر وعيد العصر

— ديوان بنده عليكي —

يا روى وامانى يا املى واحلامى
بحبك يا مصر يا ام الحضارة والمستقبل
منصورة يا مصر بحضارتك واهرامتك خلت العالم
يشهدك
علمائك فى بلاد العالم من طب وهندسة وفى كل مجال
متخصصين
تعيش يا مصر لاحبابك ودايما منتصرة على اعدائك
بادعيلك من قلبى تعيش وانتى رافعه رايه السلام فى كل
البلاد
بحبك وهافضل ادعيلك ربنا ينصرك ويحميك

— للشاعرة/ سكينه الصولى —

لونك يا مصرى

ايه هو لونك يا مصرى
انا لوني لون الارض
بحلوها ومرها بقوتها وضعفها
بحبها وكرهها
انا لوني لون الارض
لما تحب البذرة تحضنها فى قلبها
وفى صدرها تضمها
ولما تطلع براها تسقيها
من كل اللى جواها
انا لوني لون الارض
لما تكره النيران
تطلعها من قلبها
بركان يدمر كل شىء
مهما اللى كان كان
انا لوني لون الارض

بحلوها ومرها
بقوتها وضعفها
انا لوني لون النيل
والطمي الاسمر الجميل
اللى بيطرح خير
اللى بيطرح كل شىء جميل
ان لوني لون الزرع
اللى يصير القلب
ويريح كل عين
انا لوني لون الارض
انا لوني لون الارض

ضمير مسئول

اين كنت
يا ضميرى
واين غبت؟
كنت فى غفله
مع الشيطان
دست على كل محروم غلبان
اخذت الرغيف
من فم كل جوعان
اكلت الحرام
ودست على كل انسان
ظلمت البرىء
ورميته فى السجن كمان
اخذت حق
كل يتيم محتاج
ظلمت كبير السن
واذلتته لكل ذو مال
اخذت حق المريض
ولم ترحم اشد الالام

اخذت كل الحقوق
ونسيت الله الواحد الديان
نسيت ان الايام دول
بين بنى ادم عليه لسلام
نسيت نهايه فرعون وهامان
فى الدرك الاسفل من النار
شفت نهايه شارون
وقد ايه كثرة الامراض
شفت نهايه الطاغين والظالمين
من ظلمهم وطغيانهم
اصبح السجن بيتهم ومكانهم
اتعضى يا ضميرى من كثرة الطغيان
ليكون مصيرك
زى اللى قبلك ودلوقت وزمان
با ين انت يا ضميرى اصح وافق قبل الندم
اصحو وافق
قبل فوات الاوان
اصحو وافق قبل يوم الحساب
تذكر يا ضميرى تذكر الرحمن
تذكر يا ضميرى السكرات

— ديوان بنده عليكي —

والموت والظلمات والزلات
تذكر يا ضميري
ضمت القبر وعذاب النار
تذكر يا ضميري
رحمه الغفار التواب
تذكر يا ضميري
الجنة قبل فوات الاوان

— للشاعرة/ سكينه الصولي —

دعوة للسلام

بنادى على
كل البشر اللى قلبهم حجر
نسيتو ليه هايبيل
ونسيتواليه فى طريق قايبيل
ده الدم والخيانة
بيوصل لاسوأ طريق
النار يا بشر النار يا بشر
بنادى يابنى ادم نسيتو ليه الحب
ده الرحمه والحنان
بيدوب كل همى
فاكرين ليه القسيه
والظلم لديه وديه
عايشين ليه فى غابه
والكل فيها غلابه
بدعوكم يا احبابى
نرجع نرجع للسلام
ده هو اللى باقى بنا
على طول الزمان

بدعوكم للمحبه
بدعوكم للوئام
علشان نعيش فى امان
كفايه دم
كفايه كفايه ظلم يا بشر
بتظلم فى مين
قلى دة هو انيك وادينى
كل البشر اخو
من نسل ادم عليه السلام
يبقى ليه القسيه
والظلم لديه وديه
خلينا نرجع احباب
ونعيش على
طول فى سلام

أرض الزيتون

أرض الزيتون يا طيبه
متحن نيش على اللى جرا
مهما طالت أيام الشدة
مصيرو فى يوم النصر لينا
أرض الزيتون يا طيبه
أرض الزيتون يا أرض السلام
مصيرو فى يوم يطير الحمام
ويرفرق على القدس الوئام
ويصير النصر لينا
أرض الزيتون يا طيبه
أرض الزيتون يا مقدسه
مهما طال الظلم فيكى
مصيره يوم يطلع الفجر ليكى
وتصبحى محررة
أرض الزيتون يا طيبه
متحن نيش على اللى جرا
دم أبناءك فوق منك تصرخ
وتتده حرروا الارض الطاهرة

أرض الزيتون يا طيبه
طول عمرك حمالة قسيه
ولسه قويه وعافية
بتطرحى اولاد صامده
أرض الزيتون يا أرض الانبياء
مصيروا يوم يزول الغمام
ويملا القدس السلام
أرض الزيتون يا طيبه

ياسين

وداع وداع
يا شيخ ياسين
ولكنك باقى
فى قلوب كل فلسطين
وداع وداع يا حبيبنا
وحبيب الملايين
يا ابويه واخويه ياسين
كل المجروحين
وداع يا قائد حركة حماس
يا أب روحى لكل الناس
فارس شجاع مناضل قديم
ومثل أعلى لكل فلسطينى

يا رمز الكفاح
يا رمز البطولة يا رمز الشجاعه
لشعب أصيل
شهامه وبطوله لحرکه حماس
زرعت فى قلوبهم
حب وإخلاص
اغتالوك
يا أعز الناس
اغتالوك بصاروخ مطاط
ضحيت بعمرک
علشان أرضک
تعيش مرفوعة الراس
وصلى الفجر شهيد
غدروا بيك اعداء البشر

غدروا بيك
اندال اسرائيل
ميعرفوش
ان ملايين ياسين باقين
ما يعرفوش
ان كل فلسطين ياسين
دة شارون ظالم
طول عمره معتاد اثيرم في طبعه
عامل مجازر ومدايح
وصبره وشتيله بصمه عار على جبينه
فاصح ... وبتبكي ليه يا ابني
وبتبكي ليه يا ابني الشيخ
ياسين ما متش
الشيخ ياسين عايش جوانه

علمنا ازای نصمد
علمنا ازای تتحمل علمنا
ازای ناخذ بطارنا
و بتبکی لیه یا ابنی
کان نفسی اتعلم منه
کان نفسی أعیش و یاه
اتعلم منه الرجوله
اتعلم منه الکرامه
اتعلم منه ازای
اصمد امام الخیانه
اتعلم امسک سلاحی
اتعلم منه حمایه بلادی
ابکی یا امی علی شمس غابت
من عمری ابکی

— ديوان بنده عليكي —

على مين يكره هيعلمنى
انا يا ابنى انا هامسكك سلاحك
وازاى تاخذ بطارك
وطار الشيخ ياسين

— للشاعرة/ سكينه الصولي —

قدوة الإسلام

عرفوك قبل الوجود
وكتب الله اسمك على عرشه
ابونا ادم
لما خطا سجد يغفر ذنبه
شاف اسمك على العرش
دعا بيه ربنا استجاب له
يا قدوه للمسلمين
يا نعمه من الرحمن الرحيم
ده يوم ميلادك
السماء نورت بمشيئه الرحمن
وغنى الطير والزهر
بفرحه الميلاد

يا ابو الخير والكرم
يا بشرى للعالمين
بعثك رب العباد تتورا
وتفهم البشر اصول دعوتو
وتوصى المسلمين
بحفظ منهجه
يا نهار بينور لينا
ويحمل اسامينا
الكل نده وقال لك
يا صادق يا أمين
واحنا على عهدك يا خاتم المرسلين
يا شمعہ منوره
فى قلوب المؤمنین
يا اللی اللہ کرمک برحله المعراج

والقمر انشق لك بأمر من الرحمن
واتحدت العرب بمعجزه القران
والجمل المفترس برك فى الارض
هيبه لك واحترام
والحجر فى مكه كان
لما يشوفك يلقى عليك السلام
الحصى كان فى ايديك يسبح
بفضل من الرحمن
الشاه المسمومه نطقت
معجزه لخير الانام
والاكل كان قليل كفى الصحابه وزاد
والذئب يتكلم
ويشهد بالرساله
الشجرة تمشى وتنشق الارض

— ديوان بنده عليكي —

وتقر بالشهادة ودي بعض المعجزات لخير نبي وخير رسالة
بحب ذكر النبي وعاشقه للاسلام
يا ابو النور والهدى
يا قدوه الاسلام

— للشاعرة/ سكينه الصولي —

صحيح

صحيح الشمس طلعه

لكن شيفها ظلام

صحيح الفجر بيد لكن مش شايفه له نهار

صحيح الصدق باقى

لكن مش لاقيه فى كل أوان

صحيح الخير أحسن

لكن الشر مالى الزمان

صحيح العمر بيجرى

لكن مين يقف الزمان

صحيح الطفولة بريئة

لكن مين يرحم الانسان

صحيح الحب نعمه

— ديوان بنده عليكي —

لكن فين نلاقيه يا زمان
صحيح الصبر جميل
لكن نجيوه منين يا زمان
صحيح العلم نور
لكن الواسطة هيه السلطان
صحيح الفقر نعمه
لكن بيعذب الإنسان

— للشاعرة/ سكينه الصولي —

يارب

لما تتفقل كل البيبان
وهم يجيلك من كل مكان
ما ملكش غير اقول يا رب
ولما الحزن يحضني
وفى بحر الاحزان يغرقنى
ما ملكش غير اقول يا رب
واه واه يا رب ولما تعدى احزاني
والفرح يخبط على بابى اضحك
من كل قلبى واقول يا رب
ولما الفرحة تحضنى تضمنى قوى
وتسعدنى من قلبى اقول يا رب
اه اه يا رب فى فرحى وحزنى
يا رب فى همى ودمعى
يا رب فى كل وقت يا رب انت نصيرى
يا رب انتا حبيبى
يا رب انتا كل اللى ليه

یا رب من قلبی بقول یا رب اه اه
یا رب یا دواء جروحی
یا رب یا حاسس بشوقی و خوفی
یا رب یا مطمئنی فی خوفی
یا رب یا کل احبابی
یا رب یا عالم باحوالی
یا رب ملیش غیرک
یا رب وقفه علی بابک
یا رب طلبه غفرانک یا رب اقبل رجائی
یا رب تیبه وندمانه
یا رب ارحم عذابی یا رب اقبل رجاءى یا رب
یا رب یا رب یا رب

أمى

امتى اكبر يا امى
وارد ليكى الجميل ..
ده مهما اضحى يا امى
ما اوفى شلتى جنين
تعبتى علشانى كثير
وطول عمرك حمالة قسيه ..
وربنا وصانا نعاملك بحنيه
ورسولنا الكريم قال :-
الجنه تحت اقدامك ..
وانا نفسى ارضى ربي ورسولنا الكريم
امتى اكبر يا امى وارد ليكى الجميل ..
يا ما سهرتى ليالى علشاني وتعبتى

وعملتى علشانى المستحيل
ضحيتى من اجلنا
ونسيتى نفسك فى الطريق ..
اوعدك يا امى
هعمل المستحيل
هذاكر وانجح واكون من المجتهدين
وبفضل دعاكى يا امى
هكون انسان عظيم ..
وهتكونى فخورة بيه
وهعمل المستحيل
دة كل غايتى يا امى
اشيلك فى عينى على طول السنين ..
امتى اكبر يا امى واراد ليكى الجميل
امتى اكبر واريدك

— دیوان بنده علیکی —

واشیل همومک وافراحتک ..
ده انتی فضلک علی کبیر کبیر
ادعیلی یا امی
انول رضاکی ده الدنیا ..
من غیر رضاکی ما تساوی
امتی اکبر یا امی
وارد لیکى الجمیل

— للشاعرة/ سکینه الصولی —

ياضي عيوني

امى يا امى

يا ضى عيونى

مئة بسمه وبسمه على شفيك

وديما مخليانى فى رعايتك

يا رب يخليكى يا امى

امى يا امى يا شوق وحنين

فى ظلك انتى نعيش مرتحين على السنين

امى يا امى يا نبع الحنان

تحت جناحك اعيش فى امان

على مر الزمان

امى باشوف احلامى بعينكى

والدنيا جميلة بين اديك

بتنور الدنيا حوالیه یا رب یخلیکی یا امی
افدیکی یا امی بحیاتی
واعیش دیما فی رضاکی
یا شمعہ منورۃ کل حیاتی
امی یا امی
یا ضی عیونی
اقدم قلبی وروحی هدیه
وده شیء قلیل یا عنیه
یا رب یخلیکی لیا
امی دیما سهرانه وتعبانه
دیما قلقانه وحیرانه
علشان تشوفی اولادک
فی احضانک بتحقق کل احلامک
یا رب یخلیکی یا امی

— ديوان بنده عليكي —

ادعيلك ربي یرعاکی
ويسدد ديما في خطاکی
ويحميکی لینا ديما وعلطول
وتعیشی فی سعادة وسرور
والله یرعاکی برعايته
امی یا امی یا ضی عیونی

— للشاعرة/ سکينة الصولي —

بلد في خيالي

اهويتها
وهى تعيش فى قلبى
وعقلى وروحي
عشقتها منذ طفولتى
وهى صحبتى فى شبابى
اهويتها وهى تصبح
وتمسى وعينى لم تراها
أين أنتى يا صحبة القلب والروح والعقل
أين أنتى ؟
توجدى وفى اى مكان تكونى
هل أنتى عند القمر والنجوم ؟
أو عند الشمس والسحاب ؟
هل أنتى فوق الارض أو فى أسفل البحار ؟
هل أنتى بين الاشجار والخضرة فى البساتين ؟
هل أنتى بين الطفوله البريئة ودنيا الاحلام ؟
اهويتك وأنتى عندى مثل الماء والهواء

يا أحلى بلاد
تزينها الأشجار
أحببتك يا مليكة خيالي
ودواء ألامى
أحببتك
لعدلك وإخلاصك
يا بلد النور
يا زهرة فى البستان
أنا لم أراكى
فى ألى مكان
بل جعلتك فى قلبى
مثل الخيال

يا زمان

يا زمان فرح قلبى
وعدينى من الاحزان
دا أنا قلبى شايل قسيه
بقاله زمان
يا زمان أدبنى الأمل فى الحنان
ده أنا قلبى صابر على العذاب
من زمان وزمان
خلينى افرح بيكره
خلينى أعيش ولهان
أنا عايز أعيش أيامى
أنا عايز أعيش أحلى زمان
أمانه عليك ترضينى

أمانه عليك
متشمتش فيه الاحزان
منايه أديلك الامان
منايه أعيش فى إطمئنان
إدينى الحب
يا زمانى
خلينى أعيش
دنيا مليانه بالحنان
منايه أعيش فرحانه
منايه ميعرفليش
الزمان
طريق الاحزان

عتاب قلب

بين الهمسات
والنظرات
نظرة عيني تزلزلي
بداخلي بركان
من الهموم
بداخلي بركان
من الاحزان
يؤلمني يوجعني ويسالني
اين حبي يا قلبي؟
اذهب ولم ياتي
ام ضاع من كثرة همي
اين حبي يا قلبي

ولماذا لم يتحملنى
اهذا حبا يا قلبى
ام كنت اتوهم عهدى
تعهدنا على الحب
تواعدنا نبقا للابدى
ما دام النفس يلتفتو
فانت فى القلب يا حبى
فانت وحدك فى قلبى
لماذا ذهب وتركنى
للاحزان
والالام تقتلنى
اذنبى انا يا حبى
انى بقيت على عهدى
اذنبى هذا يا قلبى

شكوة قلب

عندما
ينكسر القلب
فى اوجاع
مالهو بها من ذنب
تكثر الدمعات
وتتهال الالهات
وتروح تشكو مرارة الكاس
الاحباب قد وراهم التراب
والباقى لا يتحمل
منى السؤال
وكل ما حولنا لا يدور
ما بنا هل هذا هو نصيبنا؟
الالم والجراح
على طول الزمن
ولماذا لا نجد احباب
هل اختفى

من زماننا الاحساس

ام لا يوجد فى هذه الدنيا اخلاص؟

ام مات الوفاء مع الاوفياء؟

اين الاحبه

اين الاخوه والاصدقاء؟

لا يوجد بين هؤلاء

من يحضن القلب

لا يوجد بين هؤلاء

من يداوى الجراح

اذن لا يساوى هؤلاء

ان يكونوا احباء

كبرياء قلب

لماذا تبكى

يا قلبى؟

وبما تشكى؟

ثقلت عليك الهموم

ام ضاع منك ما ترجو؟

اين صمودك

امام الالام والاحزان

اين صبرك

التى يتحدى الجبال؟

اين كبرياءك

الذى قتل احزانك

ولماذا كل شىء يضيع امامك

هل لا يوجد
ما يستحق حياتك، لا يا قلبي ارجع كما كنت طيل حياتك
لا تبكى...

فالبكاء يضعف قوتك

وقتل حيلتك

اصمد واصبر

فهذه هي صفاتك

الامل يحيك والصبر يداويك

والتحدى يصنع منك انسان جديد

تحدى الظلم يا قلبي

واصنع من احزانك المستحيل

تحدى يا قلبي

واصنع من احزانك

جسر تبدأ به عمر من جديد

— ديوان بنده عليكي —

لا تضيع عمرڪ
فى الالهات والامرات
فالماضى لا ياتى
يا قلبى
فاجعل من اهاتڪ
مجدا جديدا

— للشاعرة/ سڪينة الصولى —

جرح قلبى

ظلمت حبى ..

جرحت قلبى ..

وده شىء كبير ...

يا ما نصحتك تكون

معايه انسان اصيل ..

اديك قلبى .. اديك حبى

واعيش معاك طول السنين ..

دانا يا ما قلبى طبطب وغنى ...

ورسمك احلى جنه .. تشوفها بعينك

دا انا يا ما قلت خليك حنون ..

ده حب قلبى حب نار

ملوش زى فى الوجود ..

ضيعتو ليه ..
ظلمتو ليه ..
ما كان بين اديك ..
جى النهارده تشكى وتبكى
على الللى راح ..
خلاص يا عمرى
ما كل شىء
راح وما عاد له وجود ..
نسينا خلاص ..
ودوينا الجراح
وما عاد لحبك
اى وجود

موال (بتسال يا دمع)

بسالك يا دموعى

انتى نازلة ليه

يا جرحا خدودى

انتى نازلة ليه

محتارة ويا جفونى

ولا حسى بجروحى ولا حكايتك

ايه بيكى والدمع غالى

واللى ظلم فؤادى

مش سأل فيه ليه

بيكى والدمع كونيى

واللى جرحنى يا عينى

مش فاكر حبى ليه

اه يا عيني اه
وعد ومكتوب عليا
اشوف جرحنى بعنيه
وخما الاقى طيب يدويه
واه يا ليلي اه
وفين الاقى الدواء
اللى جرح يا عيني
اهو حبيبي يا عيني
اه و اه من الهواء اه
كله جراح من غير دواء
واه يا عيني اه
لما الاطباء سمعو بحالى جوني
بعزوني فى جليبي
واه يا عيني ما تز عيش

ده حال اهل الهوى
واه يا عيني اه
من الهوى
واحواله يفرح قلوب
ويجرح قلوب
وهو منداء وداء
حالو واه يا عيني اه
امانه يا اطباء الهوى
تحكو للناس عن حالى
يمكن ياخذوا العظا
ولا يعيشو حالى
احكى يا طبيب احكى
اد ايه جرح الهوى قاسى
لا ينفع فيه طب ولا دواء

— دیوان بنده علیکی —

ولا حتی کاس مرار
قاسی یدوای
واه یا عینی اه
وبتسال یا دمع لسه
ولا عرفت جوابی

— للشاعرة/ سکینه الصولي —

الايام

ايام وراء ايام
سقيانا من العذاب الوان
واه يا ايامى شيلالى ايه تانى
منين ما اروح عذاب
ما ترحمى حالى
واهرب من دار الى دار
واهرب لفين تانى
واه يا لايام شيلالى ايه تانى
الجرح يا ناسى عذاب
مين يرحم انا حالى
دة قسوة الايام ساكنه فى دوارى
واه يا لايام شيلالى ايه تانى

اهرب لفین یا ناس
وَأنا غربتی داری
ولمین اروح یا ناس
وَأنا کاس المرار کاس لعمری
شفت قریب انکواى بناری
ولا عمری شفت حبیب صعب علیه حالى
لیه کل الحباب قاسین
مش حاسین بشوقى وناری
لیه دیما یکون ثمن حبی هو احزانی
واه واه یا یامى شیلالی ایه تانى
اهرب لفین ولمین ؟
والدمع مالی العین
والقلب ملیان جراح
نفسى فى یوم یرتاح

— ديوان بنده عليكي —

نفسى فى يوم يلاقى الحبيب نفسه
فى يوم يلاقى الطبيب
اه واه اهرب حتى الهروب ضاع منى
لا عرفت اروح انا
ولا الهم سايبينى
واه يا الايام
شيلالى ايه تانى

— للشاعرة/ سكينه الصولي —

قلبي عنوانك

يللى انت بتهرب من حبي
ملكش مكان غير قلبي
مهما اللي كانو حوليك كتير
عمرك ما تلاقى زى قلب كبير
عمرك ما تلاقى زى قلبي اثير
قلب يحضن ويطبب
قلب من غيرك ما يكون يللى بتهرب
من حبي ملكش مكان
غير قلبي قلبي
يا حبيبي سكنك وعنوانك
قلبي يا حبيبي هو اللي هيقالك
ولا هتلاقى زيو في الكون

يللى بتهرب من حبى
ملكش مكان غير قلبى
قلب يخاف عليك
من النسمة

قلب يدارى كل احزانه
علشان انت تعيش مبسوط

يللى بتهرب من حبى
ملكش مكان غير قلبى
قلبى مدينه معموله علشانك
قيداء فيها شموع عمرى
كل ما تطفى شمعه

اولع علشان انت تفضل مبسوط

يللى بتهرب من حبى
ملكش مكان غير قلبى

وعد حبيبي

سهرانين ويا القمر
سهرانين نحكى حكاية حينا
سهرانين نحكى ونتاجى
قصص العاشقين
واه يا قمر اه وايا يا قمر اه
اشهد يا قمر اشهد على قلبى
واللى عملوفيه بيعشق
ونسى كل الدنيا ديه
نسى كل الناس
مش فاكر غير حبيبه
وسهر وويك واه يا قمر اه
قد ايه الحب جميل

قد ايه ينسيك كل الاحزان
ينسيك كل الالام
يفرح قلوب ويسعد قلوب
ويجمع قلوب
وتعدى الايام هوى
واه يا قلبى اه من حلوه الهواء
واه يا حبيبي اه من حلاوه فرحتنا سوى ...
وبشهد يا قمر عليه
بعهد كل الدنيا
طول ما حبيبي معاه
ما هعرف طريق احزان
وهنسى كل الالام
واعيش لحبيبي وبس
وهعيش لحبيبي وبس

— ديوان بنده عليكي —

وكفايه حبيبي عليه
هو بالدنيا ديه
هو دنيتي انا
هو كل الهنا
حبيبي اه حبيبي
انت كل الدنيا حبيبي اه حبيبي

— للشاعرة/ سكينه الصولي —

الحب

حبيبي
عمر الحب
ماكان لوم وعتاب
الحب نظره عين ..
الحب لمسة ايد
الحب
عين مشتاقه لحبيب
الحب
قلب محتاج امان
الحب
ارواح بتتلاقا
حبيبي الحب شوق وحنين
الحب
بحر تدوب فيه
من الاشواق
الحب همسه

ولمسه ونظر عين
الحب
دواء لكل الجروح
الحب
تحدى لكل خوف
الحب
قوه تفوق الخيال
الحب
احساس من غير كلام
هو ده
الحب حبيبي

انت الحياة

انديك يا قلبى
فلماذا لم تاتى
كم من نبضات
اسعدتتى
وكم من امال
اوقفت احزان
كنا كيان واحد
ونبض واحد
فلماذا كل هذا يا قلبى
بحثت بين جدرانك
فلم اجد غير الالام والاوجاع
فهل هذا يرضيك

يا قلبى اسالك يا قلبى

اين حبى ؟

لا لا يا قلبى

كم تتجيتما بين الفرح والحزن

لا يا قلبى

فانتم واحد لا بدى

ارجوك يا قلبى ابحث عنهو

ناديه لكى ياتى ..

ياتى وتبقو لا بدى

فبدونه لا عيشه تهنا

ولا انت تتبض

بدونه تبقى

فى الاوجاع والالم

بدونه يذهب الفرح ولا ياتى

فلا اجد لحياتي
طعم ولا املا
ناديه يا قلبى
فانت بدونه ميت لا تحيا
ناديه يا قلبى
فهو الامل والروح
التي تسكن الجسد
ناديه يا قلبى
فبدونه لا استطيع العيش

القلب المجروح

بدور انا بدور ..
بدور على قلبى يا ناس
لاقيه مليون جراح ...
وطيبيو مشى يا ناس
من غير ما بكتب دواه
اه يا قلبى اه
باب جراحى يا ناس مش راضى يقفل ليه ...
وانا قلبى داب يا ناس
ومش عارفه اعمل ايه ...
مش لاقيه يا ناس دواه
وطيبى راح فين ...
تاه وياى الايام ...

ولا نسى العنوان
ولا حكايته ايه واه
يا عيني اه
دمعك جرح حكيبي وانا بايدى ايه ...
خف يا دمع شويه
يمكن اشوف بعينيه اللى تاه منى
واه يا عيني اه
ويا باب الجراح
امتى تقفل بقى وارتاح
يمكن انسى همومى شوية
يمكن القلب يلاقى دوأه
واه يا عيني آه ليه دمعك ساحن عليه
ليه دمعك جرح خدودى
واه يا ليالى آه

مش بالته والتبلا مش رضينا
يا ناس تعدى والفرح بعيد
اوى كده واه يا ليل اه
طبيبي عايز يللم جراحى
ومش عارف يبداء منين
من الجرح الاولانى
ولا الحكاية ايه
ويا خوفى يا طبيبي
تتوه ويا الجراح
ويا خوفى تنسى العنوان
وتسيب القلب المجروح
علشأ ما تفتكرش وترجع تانى ليه
واه يا قلبى اه
كفايه نواح وديد كفاية دموع

— ديوان بنده عليكي —

يا قلبى واهداء يا قلبى
شويه الجرح مصيرو يطيب
من غير حتى طيب
الايام كفيله تداوى الجراح
مصير الايام تنسيك
كل اللى راح
واه يا قلبى آه

— للشاعرة/ سكينه الصولي —

فهرس الديوان

- 3 صفحة — إهداء
- 5 صفحة — تقديم
- 9 صفحة — بداية الديوان
- 11 صفحة — بنده عليكي
- 13 صفحة — مصر حلم الانسان
- 15 صفحة — بلد الطيبين
- 17 صفحة — جميلة يابلدي

- 19 صفحة - مصر
- 20 صفحة - أنا المصري
- 22 صفحة - عروسة النيل
- 23 صفحة - جيش مصر
- 37 صفحة - دون يا قلم
- 25 صفحة - الى رمضان
- 27 صفحة - مصر
- 29 صفحة - لونك يامصري
- 31 صفحة - ضمير مسئول

- 34 صفحة - دعوة للسلام
- 36 صفحة - ارض الزيتون
- 38 صفحة - ياسين
- 43 صفحة - قدوة الاسلام
- 47 صفحة - صحيح
- 49 صفحة - يارب
- 51 صفحة - أمي
- 54 صفحة - ياضي عيوني
- 57 صفحة - بلد في خيالي

- 59 صفحة - يازمن
- 61 صفحة - عتاب قلب
- 63 صفحة - شكوة قلب
- 65 صفحة - كبرياء قلب
- 68 صفحة - جرح قلبي
- 70 صفحة - موال "بتسأل ليه يادمع"
- 74 صفحة - الأيام
- 77 صفحة - قلبي عنوانك
- 79 صفحة - وعد حبيبي

— ديوان بنده عليكي —

- الحب 82 صفحة
- أنت الحياة 84 صفحة
- القلب المجروح 87 صفحة
- الفهرس 91 صفحة
- مؤسسة الحسيني الثقافية 87 صفحة



مع تحيات دار الحسيني للطباعة والنشر والتوزيع

رئيس مجلس الادارة

عبد القادر الحسيني

المشرف العام

محمد عبد القادر الحسيني

المدير العام

عصام عبد القادر

نائب المدير

مختار عبد القادر الحسيني

الهيئة الاستشارية للدار

الدكتور حسام عفتل الدكتور علي جاد الحق

الدكتور لطفي سيد صالح الدكتور بسير عبد العظير

الاستاذ عاطف عز الدين